

四庫全書

集部

欽定四庫全書

松隱集卷十三

宋 曹勛 撰

律詩 七言

送趙安定弭節三衢

菲土真封輔帝畿
天潢近派冠彤墀
當機久契拈花笑
示病何勞闔國追
北闕暫違文石陛
西風正是菊花時
瘦筇短褐他年去
洗雨濛烟訪習池

送王制置帥成都 剛中

從來吳蜀勢相親
制閩今勤侍帝臣
可但覆甌稱直道
慙煩分陝濟斯民
劔關目下山河重
井絡天開號令新
聖主遂寬西顧念
遨頭正及錦江春

送子威兄歸邵武

閩浙相望一寸心
鷓原落窶歎孤音
五年情話空相憶
千里開門肯見尋
只擬連牀常對語
豈堪垂老更分襟
他時果許鄰幽築
莫倦天台塵土深

送鄭吏部出使

聖主東南眷念勞繡衣行部輟名曹喜尋物外人多竺
應遇山中相有陶丹筆不搖吟筆健頽風頓革古風高
如何大展安邦手勿使鯨鯢弄海濤

又

生靈塗炭帝應憐攬轡公應願著鞭禹貢山川仍舊貫
漢時戶口失殘編交征夷夏疑非古積弊公私不記年
且乞韓州風信好二君歸計託樓船

送謝景思從辟督府

乘傳逆知懷抱開壁門
春晚靜塵埃
宣明子舍雖云樂
檄愈頭風得屢催
橫槩便知威遠塞
指蹤端復賴長才
維持江左風流在
富貴行看正鼎來

又

艱壘師行遂坦夷
中興仍待老文辭
上公固已虛油幟
碩畫旋看贊鼎司
氣隔龍荒朝隴蜀
令嚴虎旅肅旌麾
風聲鶴唳天威振
會見碁餘折屐時

送子芬年家之官越上

清潤丰姿玉不瑕
篇章典重見詞華
韜鈴小試諸侯幕
事業共稱丞相家
蓬閣晝長宜笑詠
山陰春早已鶯花
鳳池自是風流在
行見金門帽帶斜

送人倅潮陽

情文俱至接交親
折節如君未有鄰
垂棒不妨希孟德
榮親當復比安仁
碧雲斜日羊山路
黃葉西風鱷水濱
嗟我殊鄉遠良友
尚堪病眼看征輪

送丁致遠司理

茗溪雪水接雲沙秀氣全鍾化鶴家三語固知油幕近
八吟不覺石渠賒庭親戲綵心應悅路近乘槎梅已花
一意相期升館殿三年倚玉愧蒹葭

送表弟丘彥澤失官之潮

此身江海一浮漚遇坎乘流莫預謀萊子奉親真是樂
塞翁失馬定無憂關山照眼長安近裘褐生香鱷水秋
隱忍功名丈夫事行知富貴自相求

送楊子寬還臨安寄錢處和

送客天台不上船東風款段喜揚鞭山容閣雪曉猶冷
花色烘雲春正妍籠上麥芒猶綠嫩枝間梅子漸青圓
有懷閣老應詩罷盡捲珠簾按管絃

送懷英訪廬山

台嶽相逢麋鹿墟識公風骨秀而癯山林訪道誠多切
雲水期真進所如鑪鼎丹砂知煉已關河霜霰不妨渠
它時應有衡陽雁莫忘南來一紙書

送張冲舉先生還山

道人半骨出埃塵，玉頰雙紅爛漫春。
金液密傳張果老，黃庭曾授赤明民。
秋來行李林泉好，雨後雲山意氣新。
顧我年華已垂盡，餘齡薪水願相親。

送王道錄桐柏住庵

早覺人間萬事非，便尋幽遠淨征衣。
每嗟老境難辭老，政使歸時未得歸。
物外無思皆妙道，塵中有患更危機。
羨君行李翩然去，瓊闕從茲兩子微。

見說當年夢甚真，公今高步挹清塵。
經傳桐柏兼三洞

名在明廷接萬神馬過越山資浩氣花飛剡水正殘春
白雲二友皆仙士晤語多應一笑頻

送人游福唐

蘿月溪雲各未闌他時薪水肯相安家依梵刹鐘磬靜
路近台山松桂寒橫槩勝流公遠詣觀瀾逸興我難看
歸時一棹宜須早趁取薰風荔子丹

送別曹封叔

華宗半度藹長雲一笑相逢契懶真豈但金蘭如舊分

固應俞扁是前身久爲輦轂緇塵客欲趁龍園茗盃春
顧我華顛今放跡水邊林下願相親

久別黃虛中忽會又別二詩道意

汪汪陂量有家聲文擅區中世典刑別去十年頭已白
相逢一日眼猶青君裁短後姑假道我訪內丹殊不經
蘿月風檣傳古錦無令簿領困周星

蘋滿烟沙柳滿洲綠荷風軟轉船頭歸篷亟作恁麼去
許事肯令如是休自有文章追洛下

虛中與朱
希真酬唱

莫緣譽

處厭糟丘君能坐致錢
流地行達通明十二旒

送殿幹譙公暫歸莆田

暫輟京塵擾擾間
一鞭行色冒春寒
梅花細雨資能賦
野水遙山好據鞍
引道頗聞辭魏闕
覓官况可近長安
掀髯西笑歸宜早
應及莆閩荔子丹

送錢處和知三衢

忠孝傳芳在一門
雙旌光動小陽春
柯山澌水聊均逸
石室龜峰定可人
紫詔密嘗符夙夢
朱轡果見撫斯民

故家未有如公者自致勲名侍帝宸

和都運龍圖

一時耆舊盡英游玉節迎鑿暫少休不以秦人視越瘠
載馳楚尾與吳頭兩淮濃被鍾離政一水聊縈杜若洲
行見鋒車還禁橐已看仁化浹魚鷗

老大心情故倦游直誠自許賦休休清流固已久絕望
白髮只今空滿頭軟語每思揮玉麈尋源便欲過瓜洲
他年一棹烟江雨有愧輕輕不下鷗

和鄭康道

絕歎當年故作癡
水邊林下欲清非
未應阮籍塗窮慣
自是王通世念微
仗節舊聞英槩偉
挂冠惜與壯心違
起予徑辦從公物
一鞞芒屨一衲衣

耕隱春江水盡頭
一廛已自鄙通侯
好辭遽作春半別
歸意欲兼天際流
我尚未栽三徑竹
君能先泛五湖舟
要來便作乘風客
莫使烟光有許愁

和謝景英提幹

公家繡戶壓城垣物采隨時入懶軒人倚層樓風滿檻
江涵秋影月當門騰聞薌綠羅襦麗醉看金荷燭影昏
可但頽然信真率亦思秀句得重論

和穩上座

與公緇素兩無成世路低回窘墨繩弱羽機繒懷畏避
孤根霜雪厭侵凌未須神秀終齊雪好囑維摩且判憑
喜讀師詩破塵盆了如松雪拂人膺

和楊季廓解元

下帷聞說盡英竒賦就三都墨未醅分比楚蘭同講學
文踰荆玉不避遺豹藏烟霧聊相與蚌剖珠璣要及時
龍虎他年題淡墨綠衣皂蓋看風姿

用前韻書田間晚步

寓居蕭寺愁衰遲得酒寧論濁與醅閑裏風光常自喜
暑中人事棄如遺一溪烟水漁鄉後萬疊蒼山月上時
竹杖芒屨田岸久稻花細細歲豐姿

用前韻贈岸老

年來學稼似樊遲惟有農功每不醜事與本心雖自適
病隨老境豈相遺我方枕簟和雲住公已風幡撒地時
林下相逢笑相領一枝筇竹水雲姿

和曾竑父光孝佳句

使君幽討遍禪林名動三台殿閣清稍賦詩章回好色
坐令草木有佳聲政須膏澤隨軒至未礙隼旗衝雨行
爭寫雄文惟恐後喜兼和氣滿重城

和黃南嘉相賀

楊勅賊馬在城下余以帥檄統領全師渡晉江對壘三戰賊北

南嘉有詩相
賀次韻謝之

賊馬憑凌勢怒號，鐵衣夜挂映征袍。
謹嚴甲士方趨距，森索妖星絕繹騷。
橫槩賦詩雖昔事，枕戈待旦敢徒勞。
公詩一洗烟塵氣，媿甚橫行不鼓刀。

和鄭國器來自江州道中之什

聞道山爐一炷香，三餘常得寸心降。
直須了取詩千首，始可閑期壁一雙。
梅潤未能排絮帽，日陽只擬上芸窗。
竚公納錫克前列，毋使遲遲出九江。

和國器因以奉勉

宿雲濃澹弄空明桃李吹香雨屢經燕識舊巢猶頽頽
枝駢新綠尚芳馨力田須待年多忝知病好尋參與苓
莫爲無家怵鄉思且籌傑論獻明廷

和鮑判院見寄

挂冠十載水雲鄉忽奉新詩助發揚老境不能尋汗漫
聖時欣服值虞唐喜君均佚琳祠樂愧我初無襪線長
他日林泉儻相覓一蓑烟艇洞庭霜

當年壯志作三軍，拔馬曾同幕下賓。
欲試韜鈴毘廟筭，便期鷹隼出風塵。
暮年歲月嗟殘景，一水波濤有故人。
端謂題輿因卜築，不應佳句尚悲辛。

次韻李漢老叅政重陽前游泉州東湖

郊亭十里繞風漪，一鑑光涵萬象微。
勝址幾年因事廢，遺芳今日識公歸。
鳳山前直供晨翠，鯨海旁連漲夕暉。
少並江湖魚釣樂，綠蓑青笠鱖魚肥。

用李叅政韻并錄寄舟峰師

峙玉層氷瑩肺肝秉鈞風節素巖巖交河諭旨師無戰
榆塞宣恩俗舊銜成筭已功休大樹洞章詠志發騰緘
斯篇疾讀林宗意快甚長風破浪帆

世間羣盜膾人肝避地方圖水石巖客有綠林嗟路阻
書無黃耳欲何銜雨推溪柳金方重春入江梅玉半緘
永念陸趨今弗獲垂雲安得倚天帆

昔年壯氣激腸肝錦帶吳鉤鄙隱巖喜試輕裘裁白

以

入
レ
ノ
コ
ト
ヲ
シ
ス



ノ
コ
ト
ヲ
シ
ス

十一

應怜別久愈無味落塞如今擬荷鋤

霜初

大方今始識無隅明月珊瑚袖手攄愧甚許提圮下履
喜於親授活人書風神峙玉藏純白議論昂霄到古初
內顧斐然知不稱祇宜歸隱自扶鋤

開緘韻語起廉隅坐使心胸百想攄公比士元方展驥

我如毛穎不中書
燭搖冷暈人方寂
犬吠寒雲月上初
北首故關山萬疊
幾時艱棘一誅鋤

曉程寒水散成隅
款段徐行得自攄
天外好山宜日襯
風前老柳半蟲書
賡詩已玷清新後
扣戶仍煩剝啄初

忙似老農無住著
看人倉庾亟持鋤

有詩
催和

用前韻贈張正仲朝散

郎官出宰鎮方隅
聊試牛刀意未攄
不特持平爭結友
要知博物有成書
不驚雉羽桑陰靜
一洗蠻烟霽景初

恨識羽山眉宇晚每聞嘉惠及耕鋤

竭來仰止德之隅頗欲徜徉遂所據倚杖未忘千里恨
飛鴻為作一行書喜君燕寢凝香暇念我哀塗稅駕初
湖海不除豪舉想尚容訪古問槐鋤

和曾菘父見招

使君邀我避炎蒸好句先馳識故情長日流金雖可畏
小槽釀玉得同傾耨荒喜已親三徑作吏誰能更一行
且與詩翁頻嘯詠箇中佳處絕將迎

和李判院宿松隱見貽

未論琢句比元暉
餘事猶思學退之
數畝園荒松菊在
一生心有水雲知
時平豈暇尋三窟
事際何能出六奇
幸有松篁隱幽築
所欣鶴馭到時時

和錢大叅題松隱明秀堂韻

溪聲山色助清豪
小葺蘅茅望玉霄
蓮社粗能追惠遠
虎頭寧復愧班超
有池清淺方儲水
厥木扶踈豈待高
甚辱品題嗟老矣
而今不夢紫宸朝

和賀叅政與應宣教詩應居與墳廬相近

庵外山高水不窮
庵中道德與時隆
豈圖寶所千峰靜
得奉清言一笑同
幽築禪扉俱不遠
水光蘿月冷相通
他年更約稽山老
共棹西溪十里風

和錢叅政卜宅

數篇諭寄梵王宮
玉立高寒並兩峯
疊疊詩章煩護惜
時時情話憶過從
雪殘蒼嶺野雲暗
花着踈梅春意濃
他日菴居定相奉
半山松竹更誰容

和曾守祈雪

怪來六幕了無風
虛室光搖表裏同
端木已飛花委積
老蟾應借色朦朧
忍寒須教兒輩喜
清賞莫令樽酒空
想得明朝呼舞處
森嚴冠珮大廷中

天其或使不輕飛
有待隨軒故作遲
風靜圓虛纔半夜
雪隨精意若前期
影藏寂寂沙頭鷺
寒入青青壠首岐
千里歡謠歸太守
邦人固已播聲詩

和曾守洪倅喜雪

不知時雪覆雲沙但怪虛窻木影斜入竹不妨聽瑟縮
映空寧復問津涯盃深喜近圍爐火香冷誰尋小樹花
語到蓬仙煩寄我固應黃竹屬詩家

和曾守出後房麗人

方慚虛薄預時流仍見娉婷恰上頭檀口細能哦赤壁
羊醅喜為沃清愁當軒妙有眉宇秀列屋尚誰庭院幽
頗恨夜深人已醉翩然翠袂挽無由

和曾守東郊賞梅兼送范子芬

溪曲山橫動曉光
天開玉雪照崇岡
不妨花陌依微雨
為洗春風澹薄粧
送別休歌河滿子
相思應待返魂香
坐中客已無腸斷
何況離聲更抑揚



松隱集卷十三

欽定四庫全書

松隱集卷十四

宋曹勛撰

律詩

七言

謹案此卷原闕

欽定四庫全書

集部

松隱集卷十五至
八

詳校官庶吉士臣翁樹培

侍讀臣孫球覆勘

覆校官中書臣田尹衡

校對官助教臣汪錫魁

謄錄監生臣程元鼎

謄錄監生臣朱岐

欽定四庫全書

松隱集卷十五

宋 曹勛 撰

律詩 七言

和人題倚江亭

老去求閒計已疎，若尋多事即荆舒。
孤高簡澹為三益，清白清涼共一虛。
有意烟雲供眼界，無心鳥雀下庭除。
茲亭未足為依泊，自是山中有舊廬。

再和呈李提舉

僑寓江城意豈疎得親仙李似南舒高門帶珮昭寰宇
一代勲庸切太虛相業自應求的子老成宜復被親除
中興文物須名世會見金珂下直廬

和人荔子

冥冥細雨不霑梅喜熟筠籠荔子來滿眼驪山當日意
十年閩嶺此時杯色香豈謂撩禪悅甘旨諭知並老萊
伏讀佳章輒賡唱敢將瓦礫擬瓊瑰

和紹興次子所寄詩

連旬零雨暑猶強未信人間九月涼
瓮裏麴生初泛蟻壺中桂子並尋芳
斑衣未遂蘭玉集吾子少留雲水鄉
門戶喜猶家法在詩情輒莫似王陽

和次子積雨損紅木犀

應向西瑤立赤墀鮮雲仍帶綠烟
宜要先籬菊三秋艷不放蟾華一點
窺頗訝夙宵涼雨疾頓思晨發曉光
披騷人豪舉經年意絕歎豐姿積漸吹

和人惠詩

憂患心知振古稀
北征盡讀少陵詩
孰能狡兔謀三穴
且願鷓鴣寄一枝
出隴麥苗憂客念
搖風柳色動春辭
與公共作詩魔役
不害閑中故作癡

又

從來五技已成窮
顧我方今五技中
治絮不能防暴冷
擁爐聊復借微烘
懷鄉固與我同志
浮膽懸知酒有功
待約盃盤尋一醉
醉來寧復問凶豐

再答前韻

不裘而暖得橫披絕叫西崑不復詩聳入山容成紫障
暖回玉糝綴繁枝從知公有青雲志聊欲文成黃絹辭
但得錦囊風月在胷中佳處未妨癡

客居索寞厭天窮撫事無能笑語中破睡好茶盈盃白
曝簷晴日半簾烘向來切已連丁禍政以臨民獲因功
賴有破除餘習在后山端欲扣南豐

老景逢春每多留賞子美所謂老去願春遲子
忱雅知其況以佳句見貽信筆為答

吾儔春味等閑情
識我幽花種繞亭
雲帶竹光天外碧
風回松吹夢中醒
樽疊湛綠邀芳景
紅翠收香拂夜屏
歸傍清池留未足
更看涵泳一天星

答趙周卿

柴扃小隱二林間
德有鄰兮跡遂安
支派發源公雋秀
客情催我老蹒跚
松留日脚秋烟薄
塔響風鑿夜月寒
頗喜笑談皆自在
兵戈聚首蓋良難

和英上人見寄

華鯨吼雨曉聲長
詩罷蕭閑百步廊
倚煖花梢清有思
傲霜菊蕊冷猶香
好閑懶瓚聊煨芋
不病維摩尚倚牀
滿眼雲山應自足
笑渠門外馬蹄忙

奉答國器見貽

連朝好語見勤渠
得失從來要一如
公但忘情支定事
天交更讀未看書
柳藏窈窕金千縷
月在西南玉一梳

倚熟何妨駐行李
神仙亦復喜樓居

時鄭館於
家之東樓

光焰方期萬丈長
壯心肯以醉爲鄉
功名莫與平泉李

志業須還鐵硯桑待價自應聊隱默逢年安得更韜藏
翩翩騰讀春風句兩目增明膽亦張

雙溪雲老寄示佳句及新茶用來韻為謝

老去光陰不問春只思麋鹿與為羣每求書附風前雁
便想山深日暮雲鈇槩塵勞應念我詩章棋局久思君
新茶仍副清新句碌碌羸官愧少文

王元龍惠新製輒依末後耘田韻叙謝

瑠章琢句茂家聲如閱龍跳讀快晴秀韻凌虛天外立

春熙及物坐中生只應翳鳳游八極但覺儀韶聞九成
願者浯溪擅文學要收功業付耆英

新歲雪示兒輩

改歲晴和兩月慳雨聲兼閏濕長安江梅已挾春風嫩
朔雪猶飛臘月寒老境亟尋篝火暖此懷不放酒瓶乾
珠幢玉藻明心目寫入清吟異日看

政恐東臯穡事慳曉霞擁日作平安禽聲便與和風暖
梅影潛搖碧砌寒幽谷定遷鶯轉巧芳郊滋喜燕泥乾

吾君勤儉寬宵旰富入倉箱億兆看

老拙觀諸公及兒輩和篇差以自慰再和前韻
濃陰深月作春慳茲夕栖巢鵲不安淅瀝潛回連夜雨
繽紛遽作勒花寒色迷梅徑香非遠聲抑琴絲潤未乾
西北高樓臨縹緲海山羣玉得重看

鄭吏部有詩謂未當作壽穴和其韻

子真高韻屢裁詩不得同行暫語離春色正如重醞酒
好花尚有最繁枝老翁只喜先安穴壽數何能更問眉

冒熱歸來便如夢何堪塵土混幽思

謝楊監丞雪中送羊羔酒

朝回六出勢飛浮歷亂初看積瓦溝漫以郢人歌白雪
曲煩從事到青州因知洗吻羊肪滑可但傾腸鼠腹休
紙帳熏爐今已矣解嘲得免繼前修

謝錢處和惠燕坐搯頤蓮

不倚蒲團有妙機搯頤真可助癡兒
輟君拄頰看山用
拯我垂頭欲睡時燕坐巧能留蝶夢
吟髭聊復寄蓮枝

從今寧有靈龜歎一枕跣趺總不知

臘日謝仰上人惠蘭

未覺光風轉朔雲深窻乍見意增新
欲先楚客傳清些未放江梅占早春
自許幽香傳窈窕更煩白足下嶙峋
爲君抖擻煩襟看要是都無一點塵

謝衛太尉送新酒

君家冰玉傳素風瓮頭色與冰玉同
薰人氣和喜屢接入瓊色輕看若空
梅花破萼香澹澹江天欲雪雲濛濛

坐客已醉復贊歎頭不岑岑常憶公

酬許察院

十載天涯客路身不知何處是通津華顛久已從公道
青眼遙思有故人壯節未隨塵土變窮愁專與歲時新
鄒枚正此游梁倦引手毋令浪苦辛

再酬丁尉

九臯仙緒豈凡門肯顧衰翁笑語溫槐里少留傳好句
楓宸固已奏嘉言瀾瀾野水山連碧嫋嫋新涼月挂昏

妙筆摘華想高興政須檀板與清樽

寄宋德可觀察

北歸一笑脫風沙淮海相逢五歲華
寄語欲憑滄海月昔游空想赤城霞
遙知漢殿宜鳴玉不謂青門尚種瓜
雖是道人心似鐵餘情應得賦梅花

病中寄曾使君湖上

露曉紅幢綠蓋明使君千騎會耆英
笙歌遞奏連雲上荷芰傳香拂面清
遐想雅歡均四坐欲尋幽夢下重城

負薪獨恨窮閭卧不得臨流預濯纓

用前韻酬陳判官

刺桐花發照人明三看薰風舞絳英
海近魚肥隨米賤山高溪淨照人清
久聞射策先黃甲何意棲鸞尚赤城
顧我婆娑老林下看君事業映簪纓

寄儲子椿

卓犖姑溪有隱君當年遠識達楓宸
鑑明塵土無留跡水淨妍媸久自真
聞道燕居求性理固應有暇對閑人

一鄧已約同藏海他日茅齋定卜鄰

寄陳居士

君住西山我住東杖藜時復得相從欣欣未見飄飄舉
楚楚先經面面松仙事既無妻子累丹壚自有鬼神供
來春麥壠青中過待碾新茶約段公

寄山中友

同朝不復舊交游留滯行都歲兩周落景殘霞曛夕靄
斷雲橫雨霽高秋因仍久作歸歟計蹭蹬端如賈客留

慚愧君恩何以報此身江海任虛舟

新建秘書省呈李秘監

道山賢範久摧藏聖德重興接耿光
招隱稍來周俊造
紬書行見漢文章
挂蒼玉榜昭新渥
挿架芸籤識舊香
喜見諸儒在天祿
嘉謨應欲贊時康

懷歸呈同官

老去光陰易變遷
佳時常在淚痕邊
一寒休待絺袍惠
二頃須資負郭田
邀客預留醅下酒
憑欄閑數渡頭舡

此身更待烟蘿去放盡天游只醉眠

小園午集坐間呈處和瞻明諸友

共向花時笑語頻不須七七倩花神中郎碁戰投機捷
閣老詩壇著語新暖景遲遲鶯喚友落英寂寂草成茵
牡丹芍藥開非晚更約同游浩蕩春

再乞休致未遂得二詩呈之奇鄉友

晚歲歸心豈易收挂冠已去復淹留東方曼倩多奇節
司馬相如故倦游牀上詩書供一笑山中松桂入清愁

兒童怪我經春病此意還能掩得不

錄錄雖能早致身中年東海與西秦只宜桐柏山中老
不是麒麟閣上人故病未休新病起黑頭應笑白頭新
天公早賜還山詔懷抱紛紛倦俗塵

懷趙希元

久懷宣殿浮山老句滿東南著老成一笑忘言尋小隱
十年去國得雙清別來體力兼人健喜甚詩書滿意評
天子中興求讜論故應啓沃慰平生

戲簡錢處和

聞道維摩槩几前
花隨寶女下雲天
合歡帶緩新粧薄
燕子樓深晚色鮮
想得瓊枝宜夜夜
只應璧月共娟娟
何時遂預平生友
與出湘雲伴錦筵

榮侍郎暫寓張園小詩寄懷

家來三樂益芬芳
不愛華堂借草堂
每聽鳴騶傳陋巷
便知寶勒下明光
炊烟茶潤兼旁舍
蘿月松風同一岡
錦瑟似聞方醉卧
西樓橫玉助新涼

關
僕至赤城英侍者見訪好語瀾翻喜以成詩

自應雙鶴下青霞
頗聞北海終棲火
莫向東陵只種瓜
他日黃庭留黍米
遨游海嶽未須家

露

靈明獨耀駐年華
九任玄歸有等差
帝一澄明藏水火
崑丘凝結祭雲霞
金精盛處須尋兔
火棗成時要似辰
識得神仙木中子
丹腴願及小生家

松隱集卷十五

欽定四庫全書

松隱集卷十六

宋 曹勛 撰

律詩 七言

陪宣撫置酒南樓

遠業嘗輕萬戶侯，今陪笑語庾公樓。
聲空冀北一曲妙，木落淮南千里秋。
酒興勇隨高意上，月華影入大江流。
主人為客留清境，銷盡牢愁與客愁。

游惠山

舊約溪山挂瘦筇踏雲漸聽短長鐘山腰古佛闕金殿
石眼細泉噴玉龍欲濯泠泠終日水且臨楚楚一庭松
知公弭節期游勝看取詩來阮仲容

過鄭吏部水閣

九夏銷煩日正長沈沈虛閣枕橫塘更無塵土侵衣袂
只有荷花度晚香一道清泉供枕漱千章古木進風涼
相從時得游佳處何必持盃玉色光

過處和賞茶糜

泛舟憑檻在蓬瀛一醉心期任此生滿腹本來同鼯鼠
吸川遂欲比長鯨歸來尚帶茶蘼露夢想猶聞珮玉聲
醉後狂歌能怨否如今五日未全醒

處和有詩欲過小園

小園花木暖成圍况復軒窗倚翠微一檻海棠雲錦展
四邊山色曉烟飛春風爛漫何妨醉濁酒淋漓任滿衣
甚喜鳴珂肯相訪濟川整艤綠苔磯

思歸天台

山中小築枕溪流却踏紅塵笑拙謀鬢點吳霜今已老
兒皆楚語祇堪愁猿驚鶴怨事偶爾燕語鶯啼春罷休
每與兒曹話歸計一簾清夢繞滄洲

閑居泉州

平世功名不可期羝羊自恨觸藩維勞生漫揖衆人謗
雖死肯辜天下知勸進偶能回漠北輸忠猶憶佐邊陲
秋風一夜翻庭綠曉看髭鬚半作絲

黃灣書事時敵人犯淮

海邊鼓角動星辰我復驅貧近海濱強對溪山方袖手
不堪梅柳已驚春新元北客愁邊淚故國西郊日暮塵
誰與高寒伴幽獨雪聲清夢入霜筠

出關

筍輿清曉出都門便喜松聲到處聞可但佳游今止止
試尋舊友只紛紛卑棲故傳吳楚語高意自同鸞鶴羣
且樂退身無罣礙滿襟塵土逐春雲

天台宰祈雨有感

炎風踰月熾穹蒼稼穡如雲已變黃令尹為民躬血懇
神龍奮雨破驕陽高低禾穎兀兀秀壠畝風回細細香
自爾屢豐應課最西成先可賀倉箱

次子自越來見省

江分吳越寄寒溫賴有飛鴻旦夕聞作別半年常入夢
相望百里歎離羣庭萱雪已侵寒綠梅萼春回耿暮雲
喜汝暫歸俱慰悅老懷無復更紛紛

無錫得次子詩促歸

老大心情不外求得閑
歡喜且閑休每思塵土年華老
欲接神仙汗漫游三月不知春
爛熳五旬却值雨飛浮
催歸又誦吾兒句便且呼童上小舟

山中

告老吾君得挂冠交親猶肯問平安
連天秋色雁已過
滿檻竹聲風逗寒對客杯盤心共醉
催人節物歲將闌
但知適意山林去不覺山頭行路難

松隱坐上寄錢大叅

閑裏光陰不記名曲勤宏度訪公榮五雲洒翰情文厚
九節浮香瓊色輕瑤箑含風清致爽綵絲縈臂眼增明
團樂每得佳時醉却恐宣麻下帝城

戊子正月廿一日雪及半尺

晚訝爭鳴白項鴉梅風隨夜冷窻紗忽驚寒透多年被
不礙潛飛六出花歷亂已應藏月桂模糊無處認山茶
朝來多悞尋芳客都向東風賣酒家

初見梅有作

仲子折梅見寄雖尚未着花而疎
瘦纖婉已自有無窮春意戲作短

韻

至後微和入燒痕烟稍寄我領頭新尚無紅糝離離意
已覺清姿冉冉春未暇擬為烏有賦絕勝遂詠墜樓人
夜寒翠袖臨明月且影橫斜上醉巾

清明書事

老來不復較三餘只養恬愉守故居新火又逢寒食節
故人誰寄一行書隨人只得身康健寓物須煩酒破除
賸讀佳章正憑檻海棠花上雨踈踈

寒食有感

輦下相知把酒稀更逢寒食淚霑衣
五漿道路何嘗饋三徑荒蕪未得歸
春事沉沉寒慘慘暮烟漠漠雨微微
杏花零落春還半空看簾間燕子飛

春晚即事

化國舒長日正遲漫天風柳綠成姿
高低蝴蝶尚春色零落荼蘼猶晚枝
倦思有餘時種竹老懷無著強賡詩
人人一覺是非夢但得百年猶此時

晚春書事

東風冉冉又將歸甚叵飛花不戀枝
半夜雨驚殘夢破
一春愁是落花時暖梢裊裊青歸柳
輕浪痕綠滿池
惟有小欄藏秀色數枝芍藥殿春遲

風雨驚春

一年春事急如流每被顛風斷送休
錦瑟華筵常漫度
杏園景物只供愁須知勝踐何時闕
自是青春不少留
遍倚欄干望歸路落花飛絮思悠悠

連雨有感

連雨霏霏作曉陰，倚欄不復見遙岑。
已踈日上三竿報，只聽風隨十日霖。
枝上綻梅紅自墜，庭中新綠色逾深。
田苗漲水橫斜卧，甚憫為農種植心。

扇車

良工巧製鮑魚形，短架圓機扇比名。
十幅懷箱塵不到，一輪因力羽猶輕。
輾回劇暑軒楹去，載得長風枕簟清。
失喜門邊須茗客，隔籬誤作碾時聲。

初冬日懷先壟

中原金鼓未全衰，拜掃逢時淚滿衣。
丘壠蕭條應蔓草，松楸寂歷想斜暉。
殘骸漫向天南住，鄉思空隨雁北飛。
海上傷心一卮酒，夢魂先已酹重圍。

閑過小圃督治冬蔬

山園乘興便忘歸，習靜關情萬事非。
落葉翻江垂露網，小梅藏白倚苔磯。
等看朔雪連雲密，數得棲鴉幾陣飛。
台岳久慚猿鶴怨，水雲三合寸心違。

辛卯題壁

中原陷賊百城沒龍馭天旋守一江
恢復未逾衣帶水
功名慚有碧油幢
痛無雁信來沙漠
愁覺梅風到夜窻
朔吹攪雲心慷慨
拊牀未易寸心降

病起有感

老去心情在一鄮
是中憂樂稱華顛
因知不悞三三句
空近偷安九九年
生死去來渾付夢
火風煎迫諒非堅
第知一袂安排了
任我朝昏且信緣

陽

台城雜詩

卜築城隅久罷休
數椽忽得水西頭
四圍竹色繚寒碧
一徑杉風留素秋
門外水天分
斐几天邊桂子入
簾鉤
指蹤盡得神仙客
更乞佳名為歸不

老境光陰怯，雨霜怕寒室。隙似猜防養，生飽悟風中燭。
卜宅閑尋肘，後方明世漁樵。終混迹故山，猿鶴怨循墻。
天台肯約他年隱，半嶺松風殷夜牀。

長歌山林五風霜，翠竹青松是巨防。每謂肉身求淨觀，
猶勝飯袋繞諸方。因風老葉閑粘網，久雨新苔巧占墻。
何以待賓餘舊貫，一香一飯一胡牀。

向來小築久鋤荒，更覺閑中日月長。山脚孤烟迷市井，
岡頭斜照下牛羊。乘槎未喜閑侵漢，騎鶴何求再上揚。

簡寂新詩清有素
雨隨擊節助浪浪

歸涂只欲自治荒
久習田間興益長
插稻方能騎秧馬
觸藩遽復歎羝羊
乍為事奪愧俯仰
却得公來時舉揚
更待涼風下天末
醉看墨妙寫淋浪

雨後秋風十日陰
衣羅初覺曉寒侵
清愁強欲親歡伯
瘦骨何能舉聚針
碧玉麗詞殘照晚
青樓秀色暮雲深
中郎好句傳茅屋
端比逃虛喜足音

金柔火老轉清商
已近蟾華冉冉光
尚有微雲遺暑濕

不妨森木作新涼境中自有壺天濶物外每同春日長
願得身藏箕斗內白蘋紅蓼水雲鄉

元夜晴和中禁好梅影玉欄干峭窄春衫入嫩寒金翠
會羣仙 移下一天星斗燦喜色動宸顏行樂風光莫

放閑月在鳳凰山

此詞疑
悞列此

闕

春光過似不春光自念曾無作法涼鞍馬固先均臭味
薰猶安得更芬香畫脂敢謂名堪惜食攬今知味更長

珍重好辭皆發藥頗慚宮徵顧周郎

燭火寧知日月光遽聞騎火犯伊涼周宣懋建中興政
上帝潛符至治香天欲卦爻重彖象民知瓜瓞本綿長

商孫駕馭方經武行見蒙衝擊夜郎

夜郎牂牁以繫戰艦出漢書音義

世道艱虞太白光風樓雨食鐵衣涼誰歌漢月空相識
漫有山花先自香塞上許時兵未息水邊他日話尤長
想當清夜圓蟾白曾欲題詩問庾郎

強栽松竹養煙光官舍公餘喜晚涼習靜關情惟挾策

愛閑修供只焚香自憐怯事如欣泰止合摠衣扣子長
斷斷此生今已矣擬尋艇子學漁郎

遽盼翰墨發幽光內顧鯁生德甚涼已幸貳車臨海國
因知汗簡發天香花梢擢綠蜂初靜梅實桃青晝已長
會見紫泥傳詔札中興事業屬清郎

海色天容浸冷光秋回山谷進風涼不須悟性三關語
自有澄心一炷香倦客棲遲歸意遠暮林搖落晚山長
從來習氣聞風悅慚愧如今陞楯郎

韻語初疑擲夜光
頓驅熱惱作清涼
紫髯英槩雲仍著
藏室文華錦繡香
客况詎能論酒惡
高懷當不較龜長
與公避地均休戚
天使詩人識湯郎

松隱集卷十六

欽定四庫全書

松隱集卷十七

宋 曹勛 撰

絕句

謝賜宸翰扇

恩從清暑殿中傳，鳳翥龍盤墨色鮮。
何物老臣容拜賜，御風挾月下中天。

上元前四日宣召賞梅

冉冉東風春乍回，睿思宣入禁中來。
忽忝鼻觀清香徹

殊喜一庭都是梅

德壽春帖子

曉來簾幕捲東風尚有春寒下綺櫳
德滿人間和氣浹
卯山宮殿瑞雲中

弄黃宮柳未齊勻便覺風和淑景新
自是東君朝竈貴
欣欣春事足頤神

捲簾康壽麗朝曦
經卷龍香晝漏遲
閑暇瑤琴成雅奏
和風吹入萬年枝

臘餘七日換年華
玉砌青萱半吐芽
竹色松聲清侶玉
未須剪綵作春花

椒房懿德慶源同
環佩雍容冠六宮
粧罷朝元無一事
關雎詩咏二南風

露香欄檻已青青
梅萼驚春照坐明
天極元妃資內助
常年春首祝椿齡

向曉天中月一痕
春陽先到鳳凰門
苑中鬪草尋芳處
日日春熙奉至尊

嫋嫋柔風泮綠波
深沉甲館已微和
新春玉帶香羅薄
從此宮中樂事多

端午帖子

非煙冉冉上宮雲
嘉木團團午影分
玉案琴書供燕適

五絃清韻助南薰

德壽

怡顏無暑到新宮
一樣珠簾廣殿風
角黍菖絲隨節物
旨甘時下五雲中

辟兵龍印篆神經
繫臂香縈綉色輕
自有微涼生玉宇

池光靜照午陰青

康壽

日華露重踈踈竹寶砌風回楚楚松酪粉冰壺驅薄暑
瑤琴永日得從容

朝下仙班曉景遲步搖香認九華妃花藏窈窕知金屋
亭照回波在翠微

貴妃

曲檻榴花絳色鮮博山一縷水沉煙奉華窗戶清無暑
習習香傳遠岸蓮

參差臺殿照祥雲疊雪含風綵縷新玉帶輕紗迎令節

五雲深處奉嚴宸

下直歸來閨苑游
椒風高轉紫雲樓
冰盤紋蕈清薰細
捲上珠簾白玉鈎

雨後風微荷芰香
頓驅初暑作踈涼
黑雲捲盡青天大
却倚湖光看夕陽

癸未御前帖子

廣殿薰風日正長
雲峰遠岫各微茫
上天不似人間熱
夏木陰陰六月涼

聖君英畧凜橫秋十萬偏師奉睿謀一日已聞三奏捷
版圖行見復神州

中原久已望天兵攻守知惟斷乃成便有呼韓歸聖化
甘泉應得慰皇情

隆興天子七月十三日親享太廟先期風雨彌
日及夕拔木震海窗戶俱動轉五更即止乃行
禮時也喜而成三章

萬騎如雲下太清至尊親享在天靈纔聞初獻風雷息

皎皎涼蟾數點星

一夕秋風勢震雷
頽山拔木屋傾欹
錫春大廈猶驚畏
蓬華茅廬亦可知

雨脚如麻入夜深
飄風從雨拔山林
守燈危坐不敢息
惟有皇天知此心

謝賜丹桂

秋入幽巖桂影團
香深粟粟照林丹
應隨西母瑤池曉
染得朝霞下廣寒

觀觀宸製花落尤艷之句自古詩人未有形容
及此者使落花不與草木俱委可見天地大德
之心小臣不量蕪類仰賡宸韻

春事匆匆綠漸穠
林花鋪繡曉烟中
如何捲上黃金闕
許作華裯舞閭風

題禁中黃石榴

榴花紅染猩猩血
蒼筍叢中今鬪新
何事司花與純素
不同妖艷汗天真

安石開花比御衣
緜紅繁綠不能奇
上林別有嬌黃貴
如剪冰綃襯玉肌

宮詞

鬱葱佳氣轉春風
五色雲低駐玉龍
紫府清都天不遠
翹鷗渾在翠微中

南山迎座曉雲開
閭闔風蓮絕點埃
受職百神知有象
會稽春色過江來

護聖軍容簇仗齊
雲屯甲馬耀春曦
行知蹴踏邊塵靜

十萬吞江午飲時

為銷烽燧拯吾民都督親行號令新仍詔剋戎恩寵異
牙牌御札賜功臣

聽政勤勞撫萬方暫留行殿駐錢塘已將輪對規行事
更向龍牀閱諫章

法書點畫久非真上聖傳真妙入神鳳翥龍盤時降出
二王應望屬車塵

今年臘日近春繁帝意深憂氣未暄益恐吾民有饑凍

太倉連發賑元元

山迥江回地少塵方州桃李不成春要知駐蹕非閑暇

看取君王蘓遠民

蘓遠民御製詩也

蘭亭久已昧精猶睿藻傳模字一如莫更堅珉求定本
且瞻奎畫看臨書

元正不賀自清衷睿札頻頒念兩宮天相吉音來自北
便知孝悌與天通

女裳緣飾麗青紅俗競浮華廢百工聖意與民敦儉素

盡除金翠復淳風

潮隨春漲雪千尋
南越山藏暗浪深
欲識錢塘兩回汎
便如萬國奉君心

滔天逆黨作兵端
生致魁渠詔意寬
咸與維新皆赤子
釋囚還並賜衣冠

中興仁澤浹昌期
則百斯男自可知
例詔高禴祭春社
掖庭應已夢熊羆

拱北星辰靜守心
整清警蹕鳳凰深
蕭條梅柳春如許

可復風烟比上林

威懷頻歲斷侵陵
聖運當天日正升
頂相如山知美識
紹隆火德即中興

澤國春非上苑同
近郊花木漫青紅
今知聖化敦風俗
不許移根入禁中

寬恤從來只陸沉
丁寧今始慰人心
聖情更欲民孚信
親御雲章下詔音

射殿從容御六鈞
飛星白羽駭臣隣
莫驚壓盡天山箭

自昔軒臺畏聖神

溥綏聖澤浙江湄風轉行宮赤羽旗責已但書農本詔
乘春豈有宴游詩

嗣歲厖恩浹九垓熙熙人物詠春臺行知大業同文軌
今見蕭曹佐漢來

東風拂拂到行朝剪綵膺時下絳霄不但劍歌隨騎曲
行須儀鳳舞雲韶

務農春詔將臣宣欲翳禾麻變有年聖意且耕仍且戰

稍令諸道作屯田

升暘宮裏雪初消便覺春風襲柳條
新醞嘈嘈瀉輕碧盡分
和氣浹狐貂

碧甲紅芽物象新天聲震耀仰堯仁
只應露布來非晚移蹕中原爛漫春

三年不廢策儒宗清問圖回自九重
不特賜書榮進士聖君政本道中庸

六宮上直試羅衣未聽鞭聲等駕時
且趁曉閑臨御札

官家常是下朝遲

天德同符立極恩
紹興億載撫維坤
今年頒歷更名賜
大定中區號統元

江淮控制接荆蠻
銷患無形仗衛閑
藹藹東風符帝力
新春先到鳳凰山

聖德隆昌紀紹興
稍馴強敵會清明
須知不待黃河報
自有天威靖太平

湖山風月鎖蔥蔥
渙號春回萬國同
因使吳人霑聖澤

一齊翻入權歌中

上聖憂勞昔未聞
看花豈復御佳辰
內人聞道頻相語
不見秋千已幾春

天開黃道日華明
細細南薰下太清
宮殿雲扶龍虎氣
樓臺風轉箎絃聲

禁中賞芍藥口占

千壺芍藥靄祥雲
一部蕭韶合曲新
三聖臨軒聽歌舞
端知造物欸留春

御舟應制

玉蓮翠葉聚成川，十里湖光碧浸天。
桂楫壓波橫斷浦，鈎簾絲篔接薰絃。

禁直賦所見茶蘼

密葉素華青羽帔，繁香秀色六銖衣。
枕間為插琉璃滿，清夢泠泠入翠微。

禁直偶作

寓直承明意味清，風傳禁漏作春聲。
梅梢影轉三更月。

身在蓬壺夢不成

緩移淑景覺暄妍
春晚尤宜聽管絃
院宇日斜花欲睡
池塘風澹柳初眠

聲藏禁柳鶯簧巧
香靄宮花鳳髓浮
不怕苑中歸騎晚
分光御燭下神州

從駕玉津園

天子行春御六龍
五雲回煖泛晴風
和鸞寶苑梅花路
賸有香傳玉座中

花梢糝糝動朱欄
萱草侵苔雪已乾
行闕風光隨處樂
春臺人物不知寒

扈蹕建康道中值雪

玉界瓊田處處村
羣山繚白曉雲昏
聖君縞素天垂應
三白飛花奉至尊

雷動天旋從六龍
更催時雪下雲空
師行銀色光中地
鳥過瓊瑤草木中

和曾舍人梅影雪意

疎枝冷蘂欲搖春
照水鋪苔不礙塵
莫遣移寒占窻月
窻中應有可憐人

梅影

冥冥何處認飛鴻
天地同雲冷不風
玉蘂瑤林應在望
兒童喜入笑聲中

雪意

守閘書事時已退居

十年壯節下清都
鷓首常辭負弩驅
一棹西來黃篋舫
閘胥指點若樵漁

薄陰疎雨濕春容
兩岸增添綠與紅
短棹悠悠了無事

却憐雲水舊怱怱

坐斷天台四五年
居山心迹兩超然
誰能更看紙上語
且守自家方寸田

老去惟思徹骨清
便無弱水限仙瀛
士龍猶記當時夢
夢想如今海上城

野情漫對三眠柳
幽思空懷九畹蘭
他日倘從春步約
湖邊一笑侶非難

接伴書懷

客路空過桃李春
塞塵濕遍馬蹄痕
薺花如雪臺苗老
應有垂楊綠蔭門

游玉隆宮

戊子冬至日

宮宇璇題日月明
幾經兵燼獨崢嶸
庭中欲問參天柏
一餉清風相伴行

殿下有吳真君手植檜

由晉神功竦八荒
抑奸扶運煥天章
中原正苦鯨鯢毒
應為蒼生淬劍鉞

至日西山道路長
逍遙暫喜息奔忙
無人共飲山村酒

只對清虛一炷香

玉隆號道
遠福地

至日栖栖水竹村
晚尋淨舍拂征塵
梅花未見臨清淺
已有鳴鳩喚早春

游廬山將歸有作

繞砌流泉響珮環
翹鸞宮殿隱仙山
老難遍踏山中勝
且看輕雲薄霧間

上真應御白雲閑
肅立香霏玉殿寒
五百年中今應運
介麟還與襲衣冠

游蓮峯

絕壑垂蘿蓮出泥
靈根瀉碧漱香曦
支筇得住烟雲上
賸看飛流濺沫時

巢湖阻風題岸亭

病體縈仍未肯安
益嗟氣血頓衰殘
更堪五日守風苦
殊覺一年行路難

夜泊仙居客舍

山寒虛籟接溪聲
暮雨連空翠幾層
寄榻若無千里夢

便如雲衲一孤僧

道過京師

都城百雉曉雲空
四塔亭亭倚望中
自是老懷多感慨
一襟清淚濕秋風

離離禾黍滿東郊
秋入鷓鴣聲處處
嬌敗壁斷垣成
悵望一鞭又過懊來橋

過真定

南北東西本一家
從來河朔富桑麻
棗梨陰翳忽如雪

漠漠一川蕎麥花

過太行

太行應助往還程一帶峯巒日日青豈比韓蘓當日禱
茲行國事叶三靈

過淮甸

長淮烟靜是天津兵裏因循一半分尚有舊時鷗與鷺
夕陽歸處記南雲

淮陰廟

當年漢室已興隆自是侯居大半功
火德正炎神預否
他時為造楚王宮

書玻璃泉壁

秋夕淮天不宥明壯懷衝斗若為情
卧聞隔水吹三弄
又喜孤城報五更

到飛泉

曉入飛泉帶月華
山如相識路如家
百蟲不響露初下
開盡一川蕎麥花

夢中作

閭苑東頭白玉京
五雲拂拂護層城
龍鸞高並旌幢過
知是仙班退紫清

鮮雲覆首肅朝衣
青靄橫霄映玉鷗
浩闕一聞金石奏
人間幾度歲華移

賜得淵書下太微
淵靈先已載雲旗
便從碧海方瀛去
清道鸞歌與鳳吹

八景雲輿駕六龍
東方常御太和風
簫笳冉冉升黃道

冠劍重重拜木公

觀月藏書樓

月出西南氣便清
看來看到滿輪明
莫嗔夜夜東樓賞
却恐中秋未必晴

冲嗇有新泉

梅黃積雨思無歡
麥浪搖晴喜縱觀
聞道源中添一脉
莫交輕觸水精盤

松隱集卷十七

欽定四庫全書

松隱集卷十八

宋曹勛撰

絕句

王德言樞密生日

露華澄澹月痕秋
灑氣儲神侍帝猷
蹙握元樞均造化
蒼生願看濟川舟

骨相霜筠與雪松
高才直節固無同
向來舉侶他時貴
聲出丹田踵息中

公作撫屬時已
識公貴在聲

藉甚家聲孰可傳
玉堂金馬著清脩
已攄荷橐三千牘
行相楓宸十二旒

慶源淮瀆正滔滔
昆季中間譽最高
三接固知先政地
五兵聊欲試鈞陶

友于相愛陟通津
同氣同居善益親
自是茅家好兄弟
一堂和樂棣華春

每喜高情語甚真
讜言亶亶贊天鈞
不殊林下忘形態
定是因中地位人

皇華臨遣下彤墀
雨卧風飡益自怡
口伐可汗初不識
得陪後乘始應知

中原秋色入輜軒
益助胸中造化權
大有新詩入行紀
他時綵筆一時編

筍輿軋軋塞沙黃
賴檐廬兒語隔窗
且喜縱觀臨易水
未須楓落賦吳江

八月涼秋草未斑
誕辰正近舊長安
客涂拜壽無琴奏
應念清輝玉臂寒

政府生日

寥廓無塵臘雪晴
距正五日鳳凰鳴
已膺一德明良會
更祝千齡輔太平

帝師位重侯王上
身任安危社稷臣
一國真封知簡在
要教長侶錦城春

郊祀三年大禮崇
上公翊贊極寅恭
清壇九奏應昭格
今歲人神識景鐘

凜然漢相萬人英
勲德綏懷海宇清
聞道茅峯獻新植

松芽看到茯苓生

朝回寶勒照金絨
綵服熙熙笑語中
隔坐屏風未為貴
袞衣真是黑頭公

中興光啟自元鈞
比德褒功禮意新
是贊是圖超古習
儀刑一代冠麒麟

近臣宣勸上恩隆
金石聲和出禁中
禮貌元功宜異數
一門和氣藹春風

隆冬造化浹根芽
三白書功凍漸開
歲事穰穰如祉福

亦隨春色九天來

從容國論對楓宸
今古無雙第一人
永佐無為明大道
怡然高壽鄙莊椿

汎掃門前積有年
從來頂踵盡陶甄
應憐歲歲稱觴客
又倚崇墉獻十篇

和賀子忱

雨餘屐齒不妨泥
自課家丁細理畦
尚有種花移竹意
要令好鳥入春啼

樗散端如老鄭迂，喜尋山水每携扶。
歸來勸卧蓬門晚，猶憶松篁巧映途。

投老身同釣與漁，放懷寧較董梧鋤。
愛閑成懶心常適，習靜須香意莫虛。

一川清露泣黃花，拜掃人歸石路斜。
我亦天涯淪落客，丘園回首亂雲遮。

逢時頓足念松楸，節物頻遷止佐愁。
衰草蒼烟非故里，短篷輕槳漫歸舟。

和何季崇簽判

羈思登臨已怯秋
紫萸黃菊更添愁
海光不動暮山紫
人在天涯空倚樓

露寒烟冷不勝秋
紅葉黃花總是愁
擬趁登臨倩新鴈
為傳書札到青樓

簾靜櫳香嫋嫋秋綺
疏錦瑟寄清愁
夢回寫出西瑤句
尚想風神白玉樓

和范倅

臘雪已知收歲事快晴喜復上朝暉清樽要及東城醉
趁取風光未苦飛

當年越相有青氈百越于今奠枕眠蘭玉階庭傳相業
聲猷賸在日華邊

繽紛剪綵慶雲低珮玉搖金冷不知禁殿想趨三白賀
微和先入萬年枝

海邊草芥一冬新况復冬溫接吟春從此近城花漸好
不妨閑作惜花人

巖壑未銷連夜雪
松篁深映一川梅
忍寒故作遲遲去
只為清香特特來

喧喧暮雀啁寒枝
夜雪澄光入錦帷
示病維摩元不病
要收好語入新詩

綵幡金勝裊宮雲
碧甲紅芽巧鬪新
異縣幽懷易牢落
強看兒女艷芳春

輕綃乍試依微巧
蠟白仍隨掩苒春
忽得新詩知節物
衰遲渾似夢中人

幕天席地供餘酌，惜月留雲憶舊書。
今日海邊消息斷，空令稚子摘芳蔬。

對雪惘然懷酒伴，縈心還復為詩魔。
老農心念須三白，漁父家風想一蓑。

和錢處和大資

迷雲公已性天開，雙澗相逢若再來。
二老果能如洛下，固宜慧遠賦優哉。

五峯懶瓚笑顏開，正欲乘閑特特來。
十里松風一鞭穩。

虎溪捉手亦竒哉

曹源一滴鑑雲開
便覺星蟾動地來
君去我方專此興

祇應空照話誠哉

瑞岩有空照堂

松牕斲向瑞岩開
便擬尋雲步月來
只恐紫泥催去路
都俞還復詠康哉

和張達道先生

杖屨從風入帝闕
坐令爽氣滿西山
身隨清蹕雲烟上
心在華陽晷霽間

先生道價徹雲空凜凜撐空玉一峯我亦何知求至理
頗如織筵扣洪鐘

寒暑今應不見侵聊將內事付清吟不妨帝澤駢蕃處
燕坐山房花木深

和震溪

瑠璋琢句老雙溪秀韻凌虛獨擅時字侶金陵詩似甫
風流詞翰兩相宜

從來絕粒喜留侯作箇庵成漫幾秋未得歸休桐柏去

每尋故老話台州

發緘喜讀五篇詩詩到天成分外竒
五一自應歸定位
他時笑領更何疑

秋窓夜雨濕晴空水國新涼滿袖風
更向西湖見西子
御風如過紫霄峯

別去仙山今幾春客心牢落渴生塵
建溪寄向雙溪去
一飲還應念故人

和人見贈

新詩璀璨來蓬萊徑寸光搖白玉盤
二鹿已知煩細剪
一樽無乃輟餘歡

嘗借階前三尺地從容壯節進銅盤
如今袖手林泉去
惟喜天開二聖歡

牢落梅邊惟教子書聲殊喜聽三盤
芳樽遠寄柴扉靜
洗盞開嘗得盡歡

白玉芳醪何所似仙人掌冷下金盤
青衫漢殿人將老
應酌清醇擬舊歡

和韓子溫韻時在九江

千里尋真一老翁
南樓樽酒喜相同
却愁一笑還分袂
定與江流日夜東

和蘓養直題孫郎中扶疏堂

白頂鴉兒趁曉啼
梢梢寒柳出疎籬
未飛臘雪連天白
且看江雲四面垂

馬上看花夢裏鶯
自憐行路每勞生
道人猶說未自在
且是扶疎堂上行

和李判院宿松隱見貽

又看歷日改新元卦氣匆匆過二年老境尤於光景惜
斜陽時候每茫然

和皇甫先生題唯菴

十載重來春晚時羣峯獻秀曉風微清談更讀神仙句
一炷氲香忘却歸

和陳彥容雪中

雲雪商量天四垂花應剪水未容飛旗亭有客已豪飲

江上無人空釣磯

居泉南和江給事

西山爽氣不誰何
政恐愁容積漸多
動地邊聲入河隴
未妨車馬斷經過

年來意緒奈愁何
逢着清樽不厭多
聞道公餘白蓮社
可能踈懶許相過

和李伯時韻送行

公來觸熱冒炎雲
風義凌虛獨有君
但覺一家增喜色

便如滿座揖清芬

一別丰姿遽六年相望淮浙限江天
糟丘聞甚羊腸險履踐欣如玉色鮮

當年成性獨存存聞道今為五女門
收拾桑榆早棲泊香烟輕卷靜朝昏

移花種竹增幽尋捲箔高窓邀遠岑
腰鑣餉耕不覺老鬢華雪領從渠侵

松喬吹斷綠雲璈海迥天空冉冉高
他日幅巾期汗漫

崑邱同約上風濤

居臨潮落潮生地
占得溪南溪北雲
紫陌清歌同聽曲

丹邱連日喜逢君

老病衰殘得養閑
語離可復對秋山
只應今夜相思夢

同渡江雲水石間

和鄭國器

歸休三徑得怡顏
何所羊裘與釣竿
賸得新詩載行事
如游元圃拾瑯玕

老境欣逢世路平，收回神觀遠逢迎。
五更不復趨雙闕。

六鑿都忘任七情。

述懷

幄密花深留暖徑，日融天醉泛晴芳。
何人收向黃金榼。

猶得氤氳助玉香。

荼蘼

濕玉吹香吐萬花，先春粲粲等芳華。
朶雲不惜吟踈影。

踏雪應能訪我家。

梅

帶雨看時意始真，誰家院落故藏春。
不須更待溶溶月。

鬢影香傳縹緲人。

梨花

小桃經雨暖成川雲錦相輝粉色天摘實未鑿塵世病
飛霞且致洞中仙

桃花

送曾畝父還朝

故家門地少相傳公獨翹翹朝墨仙五兩詩章藹天祿
看同勲業映青編

異枝同穎繞祥雲貢入南州瑞木新並影薰風舞交翠
要知仁政在斯民

麗句清言繼風雅手開雲漢煥天章珠璣散落佳山水

奕世人薰一瓣香

大參宴客有遺址棟宇半歌荊棘中一日青紅麗雲表

因知雅量自相同

公重修錢
大參雲榭

玉霄欄檻冠東州幻出風煙晁上頭壁月山光入遺愛

此方今已號曾樓

公建玉
霄亭

識公政事在愷悌接物情文惟至誠天台兩歲士民說
要雨雨來晴便晴

詩源正嗣江西派句律先空冀北羣從此金門玉堂去

持歸詞禁啟吾君

阿蘋能唱大蘓詞赤壁長哦更一奇臨賦圖成好相伴

東山它日固先知

公姬名
小蘋

老來百事不關身惟有芳醪意甚真憶着碧琳相覓去
問梅期醉水南春

借寇何能共此邦離懷未易寸心降
惟將老淚逐梅雨
流入玉溪共一江

送徐正時之官贛州

君以高標比太阿方將試用倚無何肯來訪我松筠裏
踏遍崇岡與斷坡

報道君乘六月潮在齊端可比聞韶探湯劇暑不易度
應喜南雲瞻玉霄

交游之厚鮮如公信越前修輩行中有弟方登龍虎榜
乃兄力踐古人風

君方贛水赴除書百舸橫江信所扶他日鴈山新鴈到
問先曾過赤城無

送純老往會稽住華嚴

清隱孤標久死心
稽山遽欲扣高深
休將下渚如華藏
須聽潮音作梵音

重陰雪意正商量
豈侶師心徑絕江
識破須彌山句否
任交幡影上雲窓

送四子耜倅四明

我家潁水著元勳
千佛名經世有聞
汝幸題輿接賢守
益修廉節報吾君

高秋風月變新涼老淚何堪不計雙從此夢魂應逐汝
南雲夜夜過鄞江

送選兄歸天台

一笠彌天亦大奇選公訪我索新詩赤城歸去應相憶
十里松風月上時

夢中作

畫版凌虛意欲仙彩旗招入綺羅川阿誰借我鴉鴉版
一感須教感上天

書事

山居終日不開門室有南窓氣自溫人籟暫休天籟息
月華將冷焰黃昏

有感

百拙無能性又昏欲將昏拙去求真新來又更添些懶
雪上加霜笑殺人

小軒偶成


纔添祿廩便添事豈若清貧自在閑常恨吾廬無水石

漫將青竹當青山

戲示子舍

八八光陰又四春
同样殊少去年人
不妨諸子頻修供
莫厭擊鮮休說貧

日日有花終日賞
時時酌酒亦時醒
今年剩得優游樂
亭榜宜書醉景亭



松隱集卷十八